

佛說灌頂十二萬神王護比丘尼呪經卷第三 恭

東晉西域三藏帛尸梨蜜多羅譯

聞如是一時佛遊於舍衛祇樹給孤獨園與大比丘衆千二百五十人俱。尔時有七比丘尼名修陀利在山中冢墓間禪思。一心有諸惡鬼神噉人精氣者。燒是比丘尼脫其衣裳不聽遊行入村乞食。是時修陀利比丘尼語同坐諸比丘尼言。汝等當正心憶念我師釋迦牟尼多陀阿伽度阿羅訶三藐三佛陀。作是言已。是諸噉精氣鬼神退散馳走。於是修陀利比丘尼等相等俱到佛所。稽首作禮。白佛言。天尊我等七人受天中天無上真法。思惟一心求四道果。是諸噉精氣鬼神七萬餘頭來亂我等。不得正念。亦復遮圍。不令行求飲食之具。見惱如是。當奈之何。唯願天尊說於聖術而辟除之。說是語時。阿難在右邊。佛顧語阿難言。汝見是修陀利比丘尼七人等不阿難。荅曰。見佛言阿難。是諸比丘

尼常為七萬鬼神所燒。我今當為其召須彌頂上及海中諸大神王當護。是等諸比丘尼不令諸小魔神待其便也。佛於是便以神力召須彌頂上諸鬼神王來。已。是諸鬼神王將從七萬鬼神來到佛所。稽首禮足。

佛告諸鬼神王等。我若在世及滅度後。在所國土城邑聚落護諸比丘尼。不令諸小鬼神之所得便。令諸比丘尼所到之處常隨護助。使得安隱。諸惡之鬼不得燒近。

佛復告勑大海居丘水精山中龍宮所住之處。有五萬鬼神將其營從來到佛所。各禮佛足。却住一面。

佛又告須彌頂上七萬神王及海中五萬神王等。汝從今以後當護諸比丘尼。令得安隱。離諸惡怖。得定意。得定行。令諸小魔退散。馳走。遠於是處。百千由旬。不得作害。佛說是已。賢者阿難長跪叉手前。白佛言。是等神王其

字云何願為解說佛言阿難其神名字我今說之灌頂章句其名如是

神名枝活吒質蚤 字淨自在 此神主護其頭

神名倪提惹惹蚤 字妙善生 此神主護其眼

神名波羅惹惹蚤 字暉日光 此神主護其鼻

神名和沙頭提手 字信堅固 此神主護其耳

神名頭荷尼迦移 字開疑惑 此神主護其口

神名臚迦黎迦移 字光普攝 此神主護其脛

神名沙提舍鳩羅 字善安吉 此神主護其肩

神名波羅閣迦提 字耀雪山 此神主護其臂

神名波羅頭阿鉢 字演光明 此神主護其手

神名迦摩餘吒遮 字香珍寶 此神主護其膏

神名俱波婁閱义 字如福輪 此神主護其背

神名沙善般遮攬 字清撒撒 此神主護其腹

神名旃遮款摩休 字音和柔 此神主護其脇

神名遮捷施梨子 字福德光 此神主護其心

神名遮羅乾波頭 字真寶種 此神主護其肝

神名波羅斯奴遮 字遠聞聲 此神主護其肺

神名蘇質迦閣羅 字建行至 此神主護其脾

神名劍浮耆黎惹 字慈慈普 此神主護其腎

神名迦俱攬締迦 字越衆行 此神主護其腸

神名恒多羅菩提 字威解振 此神主護其胃

神名摩多羅和提 字真如天 此神主護其臍

神名至那比舍尸 字愛事業 此神主護其脛

神名曼比舍尸羅 字除恐畏 此神主護其膝

神名迦羅鋪阿尼 字願施廣 此神主護其脚

神名阿沙耶迷和 字消諸惡 此神主護其出

神名抄伊摩陀伊 字護世主 此神主護其入

神名阿提摩陀伊 字加諸願 此神主護其坐

神名阿奴摩陀伊 字星中王 此神主護其卧

神名破仇摩陀伊 字首安寂 此神主護其夢

神名蘭脾留波利 字行寂然 此神主護其起

神名耶頭破那抵 字德明遠 此神主護其食

神名比尼槃頭倚 字蓋天地 此神主護其飲

神名波斯離次離 字真不邪 此神主護其語

神名具梨乾陀離 字施願普 此神主護其笑

神名跪離那波羅 字快善意 此神主護某戲
神名末黎游沙黎 字顯高明 此神主護某樂
佛語阿難是須弥頂上三十六神王名字如
是有七萬鬼神以為眷屬當作擁護令修陀
利比丘尼及未來末世中諸比丘尼等若為
邪神所惱亂者不令得便所到安寧不為邪

惡所中設有燒者心當存呼灌頂章句三十
六神王應念即至導從左右為諸比丘尼現
威神力攘諸魅魔使不得便辟除凶惡消滅
不善令得吉祥

佛復告賢者阿難大海之中龍宮居止有三
七大神王之女我昔得道與其眷屬來到我
所稽首作禮說如是言當於佛滅度後五濁
末世之中護佛弟子我已面勅此諸神王今
當擁護修陀利及未來末世諸比丘尼等此
諸神王亦不違本誓若有危厄禍害之日常
當淨心歸命三寶然後呼其名字無不為護
輒在左右阿難白佛言是諸神王有如是利

益惟願速說灌頂章句善神名字為守護故
使諸比丘尼離諸恐懼不為邪妖之所惱近
佛言阿難是大神王女名字如是
神王女藍波唯藍波 字珠瓔珞
此神女為某辟除邪惡魍魎魅鬼驅逐百千
由旬不令得住

神王女鴛那多烏那陀 字摩尼寶
此神女除去鳥鳴野狐變怪因衰燒人者不
令住某舍宅之中

神王女蘇賀迦羅閣 字好莊嚴

此神女主夢寐顛倒見諸先亡傷毀之鬼悉
能消伏

神王女摩奴羅摩遮 字嚴飾妙

此神女若遊出時異道聚會飲食有毒自然消
化神王女劔浮耆黎惹 字寶連珠

此神女護諸怨家若相見時起諸毒惡即便
和解相向

神王女惟舍羅遮迦 字琉璃光

此神女若有嫉妬惡心相向者以帶持故不生貪心

神王女搯樓迦搯樓 字身徹照

此神女若有債主求諸財寶以神護故便寬餘消息

神王女迦羅博多尼 字華開敷

此神王女某若為盜賊惡伴所引至縣官時即便解脫

神王女濕迦陀羅遮 字香烟氣

此神女主治蜚屈客氣之鬼復連鬼神即便摩滅不現

神王女梭迦移羅那 字妙王頂

此神女若為龍象所害種種恐畏以某誦持自然消滅

神王女劔蒲閣浮無耶 字遊戲樂

此神女護其種種疱腫衆衰頭痛寒熱即便不行嫉害

神王女迦俱搯絲迦 字淨如梵

佛

五

此神女護其不為山神樹神星死善死鬼神所嫉害也

神王女遮羅締迦那 字音深妙

此神女護其至大小便利之時不為惡鬼神所觸嫉也

神王女曼羅鳩黎陀 字信善語

此神女護其屋舍床席帳幔不使他餘鬼神留停宅中

神王女醫頭黎迦羅 字師子音

此神女守護其門戶宅舍四方八神之王勅令鎮護除去不祥

神王女訶栗提羅伽 字樂音樂

此神女典領八十億神諸神之母護其使萬病除愈百事吉祥

神王女薩遮摩陀利 字聲清徹

此神女護其不令他人厭禱憎嫉之者使嚴禱不行害也

神王女曼多羅阿佉尼 字欣樂快

此神女主五瘟疫毒若頭痛寒熱其若呼名即為作護也

神王女鳩蘭鞞吒羅子 字結明誓

此神女主諸毒蛇虻蝮若嚙人者存呼七遍毒即不行

神王女抄多摩尼摸 字柔軟音

此諸女護其不令盜賊剝奪衣裳呼其名字賊即退走

神王女沙騰波提敷 字心安祥

此神女護其牙齒若為虫所嚙者存呼其名字七遍虫即消滅

佛告阿難我所說海中灌頂章句神王女其

名字如是此諸神王女與其眷屬五萬鬼神遶海邊行一日一夜周匝八萬四千由旬以血肉為食今皆得道為末世比丘尼輩現威神力作大護助辟除邪惡萬毒不行佛語修陁利及未來諸比丘尼等若有能持是灌頂章句則離一切無數恐懼若持此神

恭 比丘尼等

六

呪夢安覺歡不畏縣官水火盜賊怨家債主自然辟去鬼神羅刹妖魅魍魎邪惡薜荔厭鎮之鬼樹木精神百虫精神畜生精魅溪谷精魅門中内外鬼神戶中内外鬼神舍宅四方井竈鬼神滂池鬼神廁溷鬼神若比丘尼帶持經者此諸惡鬼終不得便若有厭禱呪咀之者其人帶持神呪經故自然辟惡兩作和解俱生慈心惡意悉滅無復惱害諸比丘尼若在山中溪谷曠路抄賊劫略自然不現師子虎狼熊羆蛇虻悉自縮頭藏不害人也何以故此十二萬神王大神呪經至尊至重能為諸比丘尼作大利安

佛語修陁利及未來世諸比丘尼等說此法頂無上章句若後九百歲中為諸邪惡魅鬼媯人因衰作害或有惡魔吐種種雜毒之氣以害汝等復有鬼神吸汝五脉又有鬼神噉汝精髓如是惡鬼噉人肉者不可稱數我今為汝略說少耳

媛密二反寐反塞二濁反弥忍蜚屈下上音尺非稜反郎登
 疱腫上反蒲帳幔下上知半向反醫徒昆厭禱檢上反一
 下反朝所竹九反又蚺蝮下上愚伏反反辟荔閉上蒲
 帝下栗洿池不流音烏水廁溷胡困初使去反反團下呪
 咀上之助反抄賊反劫初孝閻鈍不利徒困反繪
 綵上疾陵反囊盛音成下貯反下

佛說灌頂百結神王護身呪經卷第四 恭

東晉西域三藏帛尸梨蜜多羅譯

聞如是一時佛在羅閱祇國大精舍中有千
 二百五十弟子各住餘室佛獨一房自思念
 言我涅槃後四部弟子持戒不具多所毀犯
 造作非法不行十善我法既滅末世之中鬼
 魔亂起行諸邪惡燒惱人民又有毒龍吐毒
 害人我當云何而辟除之作是念已默然而
 住於是天帝知佛所念從座而起如人屈伸
 臂頌來至佛所誓首佛足作禮畢已長跪叉
 手前請佛言唯願世尊愍濟衆生爲說無上
 灌頂章句大神王名字護萬姓故使得安隱
 離諸危厄度於邪惡使諸魔鬼不得作害結
 願神名常在左右爲人防惡使毒不行所請
 如是唯願演之
 佛告天帝釋善哉善哉諦聽諦受吾今爲汝
 而演說之令諸世間一切衆生有受三自歸
 者盡帶持此百大神王名以護人身辟除邪